

JAMHURI YA MUUNGANO WA TANZANIA

BUNGE LA TANZANIA



ORODHA YA SHUGHULI ZA LEO

MKUTANO WA TATU

KIKAO CHA KUMI NA MOJA

03 MEI, 2016



ORODHA YA SHUGHULI ZA LEO

MKUTANO WA TATU

KIKAO CHA KUMI NA MOJA – TAREHE 03 MEI, 2016

I. HATI ZA KUWASILISHA MEZANI:

WAZIRI WA KILIMO, MIFUGO NA UVUVI:

Hotuba ya Bajeti ya Wizara ya Kilimo, Mifugo na Uvuvi kwa Mwaka wa Fedha 2016/2017.

MWENYEKITI WA KAMATI YA KILIMO, MIFUGO NA MAJI:

Taarifa ya Kamati ya Kilimo, Mifugo na Maji kuhusu Utekelezaji wa Majukumu ya Wizara ya Kilimo, Mifugo na Uvuvi kwa Mwaka wa Fedha 2015/2016 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2016/2017.

MSEMAJI MKUU WA KAMBI YA UPINZANI KUHUSU KILIMO, MIFUGO NA UVUVI:

Taarifa ya Msemaji Mkuu wa Kambi ya Upinzani kuhusu Wizara ya Kilimo, Mifugo na Uvuvi juu ya Makadirio ya Mapato na Matumizi ya Wizara hiyo kwa Mwaka wa Fedha 2016/2017.

II. MASWALI:

OFISI YA RAIS (TAMISEMI):

83. MHESHIMIWA JOSEPH MICHAEL MKUNDI (UKEREWE):

Atamuuliza Waziri wa Nchi, Ofisi ya Rais (TAMISEMI):- Wilaya ya Ukerewe inajumuisha visiwa 38 na kati ya hivyo, visiwa 15 hutumika kwa makazi ya kudumu lakini huduma za kijamii hasa afya si nzuri:-

- (a) Je, Serikali inachukua hatua zipi za makusudi za kunusuru maisha ya watu hasa akina mama wajawazito na watoto wanaokufa kutokana na ukosefu wa huduma bora za afya katika visiwa hivyo;
- (b) Je, ni lini Maabara katika kituo cha Afya Bwisia katika Kisiwa cha Ukara itakamilika na kupewa wataalamu ili kutoa huduma ya upasuaji kunusuru maisha ya wananchi wa kisiwa hicho na visiwa vya jirani.

84. MHESHIMIWA JANET ZEBEDAYO MBENE (ILEJE):

Atamuuliza Waziri wa Nchi, Ofisi ya Rais (TAMISEMI):- Ileje iliwahi kuwa katika Wilaya zinazoongoza kwa ufaulu wa wanafunzi lakini miaka ya hivi karibuni ufaulu wa wanafunzi umeshuka na hii ni kutokana na utoro wa walimu pamoja na miundombinu mibovu ya mazingira ya kufundishia:-

- (a) Je, Serikali ina mpango gani wa kuhakikisha kuwa inaboresha miundombinu yote muhimu kwa utoaji wa elimu,
- (b) Je, Serikali iko tayari kujaza pengo la upungufu wa walimu lililoko hivi sasa.

OFISI YA RAIS (UTUMISHI NA UTAWALA BORA):

85. MHESHIMIWA ZACHARIA PAULO ISSAAY (MBULU MJINI):

Atamuuliza Mheshimiwa Waziri wa Nchi, Ofisi ya Rais (Utumishi na Utawala Bora):- Ingawa kuna tatizo la ajira Serikalini, lakini inasemekana kuwa ziko nafasi nyingi zilizo wazi katika ngazi ya Wizara, Mikoa, Wilaya hata Vijiji:-

- (a) Je, ni kwa nini Serikali inalificha jambo hili na ni lini sasa itajaza nafasi za ajira zilizo wazi katika maeneo mbalimbali ikiwemo Halmashauri ya Mji wa Mbulu katika Sekta za Utawala kama vile VEO, WEO ambapo wananchi huwalipa watumishi wa kukaimu kwa fedha zao wenyewe kinyume na taratibu;
- (b) Je, ni kwa nini Serikali isipandishe mishahara ya kima cha chini kwa kuzingatia mahitaji ya maisha ya sasa.

WAZIRI WA ULINZI NA JESHI LA KUJENGA TAIFA:

**86. MHESHIMIWA MARYAM SALUM MSABAHA
(VITI MAALUM):**

Atamuuliza Mheshimiwa Waziri wa Ulinzi na Jeshi la Kujenga Taifa:- Baadhi ya Kambi za Jeshi la Wananchi nchini (JWTZ) zina majengo chakavu sana ikiwemo Kambi ya Nyuki Zanzibar:-

Je, ni lini Serikali itatenga fedha za kutosha kwa ajili ya ujenzi wa Kambi hizi.

WIZARA YA MAJI NA UMWAGILIAJI:

87. MHESHIMIWA SEIF KHAMIS GULAMALI (MANONGA):

Atamuuliza Mheshimiwa Waziri wa Maji na Umwagiliaji:-

- (a) Je, Serikali imefikia wapi katika ujenzi wa bomba la maji la kwenda Tabora – Igunga kupitia Nzega;
- (b) Je, Serikali imefikia hatua gani katika kusambaza maji hayo katika Tarafa za Simbo na Choma kupitia Ziba kama Mheshimiwa Makamu wa Rais alivyoahidi.

88. MHESHIMIWA LEAH JEREMIAH KOMANYA (VITI MAALUM):

Atamuuliza Mheshimiwa Waziri wa Maji na Umwagiliaji:- Ujenzi wa bwawa la Mwanjoro lililopo Wilaya ya Meatu ulianza mwaka 2009 lakini hadi sasa ujenzi wa bwawa hilo haujakamilika:-

- (a) Je, ni lini Serikali itakamilisha ujenzi wa bwawa hilo ili liweze kutumika kwa ajili ya Wananchi na mifugo katika vijiji vya Jinamo, Mwanjoro, Itaba, Nkoma na Paji;


(b) Je, ni lini Serikali italeti fedha za miradi ya aina hii kwenye Halmashauri ili Halmashauri ziweze kutafuta Mkandarasi na kufanya usimamizi na ufuatiliaji wa karibu na hatimae kuondoa usumbufu kwa wananchi.

WIZARA YA MAMBO YA NDANI YA NCHI:

89. MHESHIMIWA HALIMA ALI MOHAMMED (VITI MAALUM):

Atamuuliza Mheshimiwa Waziri wa Mambo ya Ndani ya Nchi:-

Je, Serikali imefanikiwa kwa kiasi gani kuimarisha majengo na vituo vya Polisi sambamba na kulipa madeni ya wakandarasi waliojenga majengo hayo.



90. MHESHIMIWA JUMA OTHMAN HIJA (TUMBATU):

Atamuuliza Mheshimiwa Waziri wa Mambo ya Ndani ya Nchi:- Katika Jimbo la Tumbatu kumekuwa na matukio ya uvunjifu wa amani kwa Wananchi wanaoishi kwenye kisiwa hicho na katika hali ya namna hiyo inaporipotiwa kwa Jeshi la Polisi inakuwa taabu kwa polisi kwenda kwa haraka kwenye eneo husika kwa sababu kadhaa ikiwemo ya ukosefu wa usafiri:-

Je, Serikali haioni umuhimu wa kujenga Kituo cha Polisi katika Kisiwa hicho na kuwapatia usafiri wa uhakika kwa kuzingatia jiografia ya maeneo hayo.

WAZIRI WA UJENZI, UCHUKUZI NA MAWASILIANO:

91. MHESHIMIWA OMAR ABDALLAH KIGODA (HANDENI MJINI):

Atamuuliza Mheshimiwa Waziri wa Ujenzi, Uchukuzi na Mawasiliano:-

Je, Serikali ina mpango gani juu ya Barabara za Handeni – Mzika – Dumila na ile ya Handeni – Kiberashi hasa ikizingatiwa kuwa upembuzi yakinifu umeshafanyika tangu kipindi cha uongozi wa Awamu ya Nne.

92. MHESHIMIWA DKT. RAPHAEL MASUNGA CHEGENI (BUSEGA):

Atamuuliza Mheshimiwa Waziri wa Ujenzi, Uchukuzi na Mawasiliano:- Fedha za mfuko wa barabara zimekuwa zikitolewa kwa kusuasua sana:-

Je, Wilaya ya Busega imetengewa kiasi gani kwa mwaka huu wa fedha ili zitumike kutengeneza miundombinu ya barabara.

**93. MHESHIMIWA HAWA ABDULRAHMAN GHASIA
(MTWARA VIJIJINI):**

Atamuuliza Mheshimiwa Waziri wa Ujenzi,
Uchukuzi na Mawasiliano:-

Je, ni lini barabara ya Uchumi kutoka Mtwara –
Nanyamba – Tandahimba – Newala – Masasi
itaanza kujengwa baada ya upembuzi yakinifu
kukamilika.

III. HOJA ZA SERIKALI:

WAZIRI WA KILIMO, MIFUGO NA UVUVI:

Kwamba, Bunge sasa likubali kupitisha Makadirio ya
Mapato na Matumizi ya Wizara ya Kilimo, Mifugo na
Uvuvi kwa Mwaka wa Fedha 2016/2017.

**DODOMA
03 MEI, 2016**

**DKT. T. D. KASHILILAH
KATIBU WA BUNGE**